



МЕСЯЦА ДЕКАБРЯ В 17-Й ДЕНЬ

Святаго пророка Даниїла.
И святых трёх отроков Анании, Азарии и
Мисаїла

На Господи, возвах: стихиры пророка, глас 4.

Подобен: Яко дбля:

Даниїл чудный, / сердце стяжав чисто
Духа жилище / и от Него просвещаемый, /
будущих явление прорицает явственно: /
пророчества светлостью удобряемый / и
ясно скажуй державных / пребеззаконных царей
сокровенная соня.

Предукрепив тело твоё постом неослабным, /
львов устá заткнул еси: / посреде бо их стоя, /
пророче чудный, / и к Богу Благому взирая, /
пребыл еси не уязвен / несказанною силою вся
действующаго преславно, / Избавителя душ
наших.

На Престоле сидящаго / и Ангелы обстоимаго, /
непостижнаго видел еси Судию, суща Праведна-
го, / пророче чудный. / Удивль же ся ужасному и
страшному видению, / назнаменал еси сущим по-
том всем, / написав Второе пришествие / воплощ-
шагося Бога нашего.

Ины стихиры святых отроков, глас тойже.

Подобен: Дал еси знамение:

Законов держащися Богоданных, всеблаженнии, / мерзостными не осквернитесь пищаами, / но, нетленну душевную доброту сохранше, / соблюдоште плоти неврэдный / и неувядаемый цвет чудный / и красную лепоту / Владыце, прославляющую Свою угодники.

Божественным распалаеми юноши пламенем / огонь преобидеша, / в немже орошаеми, честнии, / лик пресветел вообразивше, / песнь многопетую, видешася, поюще: / ибо непреемное Даниил / Царствие Христова виде, радовашеся, / яко пророк всеизряднейший.

Словеси премудрости твоея / удивльшися мучители, / Данииле досточудне, / и отроков разуму, / Халдейскою странюю начальствовати / и владети вас поставиша, честнии: / добродетели бо весть явственнейше чудитися и супостат, / и жития светлости, / страсти бо удержавше, властели бысте.

Слава, глас 2. Анатолиево:

Духовно нас, вернии, / собра днесь пророк Даниил / и трапезу предложит добродетелей обильно / богатым и нищим, / и странним, и домашним, / и чашу умну, проливающую воду благочестия, / и веселящую сердца верных, / и Духа Святаго благодать подающую. / Сей бо пророк — светлейший светильник, / просиявый в мире, / служения вся Ассирийская низложит / и зверей неукротимых уста заградит. / С сим и трие отроцы да восхваляться, / не злати естеством суще, / и злата искуснии показавшися: / не слият бо их огонь пещный, но сохранит целы, / ихже нафта, и смола, и рождие венчаша. / Приведый же нас на обхождение лета Господь / да сподобит ны достигнути / и в Господский и честный день Рождества Христова, / подающего нам тех молитвами / очищение грехов и велию милость.

И ныне, предпразднства, глас тойже.

Андрея Пирскаго: Приидите вси, Христово Рождество предпразднуем верно, / и мысленно пение, яко звезду, предлагающе волхвов славословия, / с

пáстырьми возопийм: / прииде избавлѣние человек
из дѣвственных ложесн, / вѣрныя призыва-
ющее.

**На стихóвне Октóиха.
Слáва, и ныне, глас 6:**

Данийл, муж желáний, / кáмень, без рукí отсѣ-
чен, / видев Тя, Гóсподи, Младѣнца, без сѣмене
рождѣна, / пронаречѣ Тя, из Дѣвы воплощѣнна
Слóва, / неперемѣннаго Бóга и Спáса душ наших.

Тропáрь, глас 2:

Вѣлия вѣры исправлѣния: / во истóчнице плáме-
не, яко на водѣ упокоѣния, / святѣи триѣ
óтроцы рáдовахуся, / и прорóк Данийл, львом
пáстырь, яко овцáм, являшеся. / Тех молíтвами,
Христѣ Бóже, спаси дúши наша.

НА ÚТРЕНИ

**Едiн канóн Октóиха и святýх два. Канóн
прорóка, глас 8, егóже краегранѣсие: Мúдраго
Даниила пѣсньми увенчаю. Творѣние Феофáново.**

Песнь 1

Ирмос: Песнь возслѣм, лю́дие, / чúдному Бóгу
нашему, / свободívшему Израíля от работы, /
песнь побѣдную пою́ще и вопию́ще: / поим Тебѣ,
Едiному Влады́це.

Спáсе Благодѣтелю, всех благíх Винóвный, /
светоно́сным Твои́м сия́нием ум мой просвети́,
Человеколю́бче, / яко да Твоегó прорóка восхвалю́
сла́вную пáмять.

У́тро яко, возсия́л еси́, мúдре, целомúдря, /
целомúдренную предбѣдствовавшую спасл еси́
Сосáнну: / Бог бо тя воздвйже, Вѣдетель та́йных, /
ста́рцы лю́тыя осудíти.

Стра́хом укрепля́еми Бóжиим, Авраáмовы
внúцы / пи́щу пребеззакóнную отрiнуша до́б-
лественне / и, Божѣственным пита́ющеся желá-
нием благочѣстия, / к величайшей взяшася сла́ве.

Богорóдичен: Гóру видѣл еси́ мы́сленную, Дани-
иле священнейше, / едiну Пречы́стую Приснодѣву
Отрокови́цу, / из Нея́же отсечѣся Кáмень крае-
уго́льный и лестви́ сокруши́ всю.

Ин канон святых трех отроков, егоже краегранисие: Три отроки пою и Даниила великаго. Творение Феофаново. Глас тойже.

Ирмос: Воду прошед, яко сушу, / и египетскаго зла избежав, / израильтянин вопиаше: / Избавителю и Богу нашему поим.

Безначальное Слово, из Отца прежде всех веков рожденно Боголепно, / еже в пещи юношам образно виденное, прославим.

Глаголы мучителя злочестиваго благороднии отроцы оплевавше терпеливно, / снедьми пребеззаконных осквернитися халдейски не восхотеша.

Питаестеся убо словом душевне, / снедьми же саморасленными плотски, / паче питающихся дебелыми снедьми, / царю краснейшии виды покажестеся.

Богородичен: Яд змиин, в слухи горько излившийся Евы, / яже из Давида возрастшая, Отроковице, / исцеляеши, Избавителя порождши.

Песнь 3

Ирмос: Ты еси утверждение / притекающих к Тебе, Господи, / Ты еси Свет омраченных, / и поет Тя дух мой.

Разум и мудрость от Бога прием, / сказал еси светоявленно сеновная царем сония.

Змия умертвил еси, / пищу вверг, славне, чувственнаго, / первее бо невидимыя победил еси демоны.

Богородичен: Зарю просвещаемь, / явленную зриши, славне, гору Божию благословенную, челоувеков украшение.

Ин. Ирмос тойже

Разум стяжавше Богонаученный, Владыко, отроцы Давидовы / законы отеческия Богомудренно соблюдоша.

Огнь не опали чистейшая телеса благочестивых, / постом бо душепитательным напаяхуся.

Хвалу всемирную и многопетую поют отроцы трие, / посреде пещи чудно орошаеми.

Богородичен: Да Рождество, Владыко, из девствующаго телесе покажеш нам, / спасаеши в пещи девствующая телеса.

Конда́к проро́ку, глас 3.

Подобен: Де́ва днесь:

Просвети́вшееся Ду́хом чи́стое твоё се́рдце / проро́чества бысть светле́йшаго прия́телище: / зриши бо, яко настоя́щая, далече су́щая. / Львы укроти́л еси́, вве́ржен в ров; / се́го ра́ди тя почита́ем, проро́че блаже́нне, Дани́иле сла́вне.

И́кос:

Иису́са Христа́, Исти́ннаго Бо́га на́шего, / Егóже Божество́нное я́сно прише́ствие провозгласи́л еси́, моли́ непреста́нно / с весели́ем Божество́нную си́ю творя́щим па́мь твою́ / и ве́рою чту́щим тя / искуше́ний вся́ких спасти́ся, и грехо́в, и обстоя́ний / яко дерзнове́ние, Богому́дре, име́я. / И во отве́ржение мо́им пода́ждь устна́м тя пе́ти незазо́рно сло́во. / И ника́коже мене́ гнуша́йся, проро́че блаже́нне Дани́иле сла́вне.

Седа́лен, глас 8.

Подобен: Прему́дрости:

Тро́ицы о́браз проро́чески из неведе́ственных шаро́в / в пла́мени о́троцы написа́ша трóстию ве́ры, / и Сло́ва кра́йнее на зе́млю низше́ствие та́инственно ви́деша, / и всем пропове́даша. / Те́м же и, ро́су с Небесе́ прие́мше духо́вную, / исто́чают ве́рным дарова́ния и со́гласно вопи́ющим Тебе́: / да́руй, Христе́ Бо́же, прегреше́ний оставле́ние, яко благоутро́бен, / пра́зднующим любóвию святу́ю па́мь ва́шу.

Сла́ва, ин седа́лен, подобен то́йже:

Проро́чества благода́тию обогати́всья, / Де́вы Рожде́ство сеннопішеши / и решиши со́ния царём я́вственне; / вве́ржен же быв в ров, / яко му́ченик научи́л еси́ пресла́вно, блаже́нне, посты́тися львы. / Тем разори́л еси́ безбо́жных служе́ние, / зми́я уби́л еси́, до́бльствовав светле́йше, Дани́иле досточу́дне. / Моли́ Христа́ Бо́га грехо́в оставле́ние дарова́ти / пра́зднующим любóвию святу́ю па́мь твою́.

И ныне, Богородичен:

Рáдуйся, престóле огнезрáчный Бóжий; / рáдуйся, Отроковице, седáлище Цáрское, / óдре преиспещренноустáнный, златопорфíрный чертóже, / хламíдо червленосвётлая, украшенный храме, / молниенóсное ору́жие, светíльниче многосвётлый, / рáдуйся, Богородице, дванадесятостéнный граде, / и двéре златоковáнная, и чертóже светлобразный, / светлопозлащённая трапéзо, Богоукрашенная скíние; / рáдуйся, славная Невéсто, Сóлнце кáплющая; / рáдуйся, едина души моея благолéпие.

Крестобогородичен:

Агница, и Пáстыря, и Избáвителя Агница зрящи на Крестé, / восклицáше, плачуши, и, гóрько рыдáючи, вопияше: / мир úбо рáдуется, приéмля Тобóю избавлénие, / утрóба же Моя горíт, зрящи Твоé распятие, / éже терпíши за милосёрдие мýлости. / Долготерпелíве Гóсподи, мýлости бéдно и истóчниче неисчерпáемый, / умилосёрдися и дáруй согрешéний оставлénие / véрою пою́щим Божéственныя стрáсти Твоя.

Песнь 4

Ирмós: Из горы́ приосенénныя, Слóве, прорóк, / едина́я Богородицы, / хотя́ща воплотíтися боговидно усмотри́ / и со стрáхом славослóвляше сýлу Твою́.

Закóн благочéстно сохранив, о прорóче! / во́истинну мýдрости позна́л еси́ Дáтеля, / тáйным же научáюща и глубóким / и я́же во тьме тя просвещáюща.

Священну жизнь пожíв, Богоявлénне, / желáний муж нарéклся еси́, / мýжественно бо стрáсти поправ, / к нестарéющейся престáвился еси́ жízни.

Всэльшаяся в тебе́ Утéшителя благодáть, Дани́ле, / показúет тя светонóсна, / и победíтеля мучíтелей и царéй, и премýдрости жили́ще.

Богородичен: Кáмень Тя, без руки́ отсéчен, Слóве, / от горы́ зрит, Дéвы Богородицы, Дани́л прорóк, / взывáя и воспева́я Твоé Божество́.

Ин

Ирмос: Услышах, Господи, смотрения Твоего тайнство, / разумех дела Твоя / и прославих Твое Божество.

Даниил мудрейший, Божественне умом просвещаемь, / сония разреши самодержцев Божественною благодатию.

Облистает чудесы еже в пещи отроков страдание, / мучителя бо уловиша к познанию Твоему, Всесильне.

Согласия органы и мусикии песни всесличныя / доблественных не привлекоша / и златому образу не поклониша.

Богородичен: Песньми, Всепетая, иже в Вавилоне дети / почитают Сына Твоего Пребожественнаго, / Егоже в пещи познаша.

Песнь 5

Ирмос: От нощи неведения / Боговедением просветивый концы, / просвети мя утром человеколюбия Твоего, Господи.

Страдальческия подвиги пророчества уяснив проповеданием, / сияеши обоими, Божественнаго вдохновения исполнен.

Премудр показался еси, блаженне, / паче ума премудрости сияньми, величайший Богоглаголиве Данииле, / и вся просветил еси.

Богородичен: Тайновождествует образы неизглаголаннаго воплощения, Чистая, / иже из Тебе Высочайшаго Даниил пророк славный.

Ин

Ирмос: Вскую мя отринул еси / от лица Твоего, Свете Незаходимый, / и покрыла мя есть чуждая тьма окаяннаго, / но обрати мя и к свету заповедей Твоих / пути моя направи, молюся.

Научившися закону, Спасе, / не отвергашася Твой угодницы, Даниил великий с тремя юношами Богоразумными, / но, крепость приемше от Тебе, Благодетеля, / мучителей мужески победиша.

Мысленно научашеся Даниил, Человеколюбче, Твоим тайнам: / на облаце бо яко Сына Тя

человѣча грядúща, / язýков всех ꙗко Судию и Царя зряше умá чистотою.

Украси́ся, о дѣти, пáче кáмене сапфíра / вáше совокуплѣние, ꙗко заря златáя; / благочѣстия ревностию распáльшеся, / ходяще радóстно в пещи и плещуще лик всемирный.

Богорóдичен: Даниил Тя, Дѣво, гóру прописá яве Божѣственный, / триѣ же óтроцы, видевше пламень орошáющь, / Твоѣ Божѣственное Рождество пѣсенно восхваляют / ꙗко Спáса, и Зиждíteля, и Гóспода.

Песнь 6

Ирмос: Якоже пророка избáвил еси́ / из глубины́ преиспóдня, Христé Бóже, / и менé от грехóв моих избáви, ꙗко Человеколюбец, / и управи́ живóт мой, молю́ся.

А́нгельския ты ли́ки во свѣте светлѣйшем зря, / подражáтель всеизряднейший сих был еси́, / Всецаря наслажда́ся сия́ньми.

Спаси́тельное Слóва пришѣствие возвещáя, / предвозвѣсти́л еси́ и хрáма разорѣние, закóна же исполнѣние / и благодáти пáче умá даровáния.

Богорóдичен: Се Дѣва во утрóбе яве зачина́ет Христá Бóга, осия́вшись Дúхом, / Ея́же проображѣние провидяше Даниил слáвный.

Ин

Ирмос: Бѣздна грехóв и прегрешѣний бúря мя смущáет / и во глубинú нúжнаго рѣет мя отчáяния, / но Твою́ крѣпкую рúку мне простри́, ꙗко Петро́ви, / о Управителю! и спаси́.

Обладáвше естѣственными страстьми́ силою Слóва, / странé язýк халдѣйских вла́стели бы́сте: / весть бо добродѣтель честь даровáти стяжавшим ю, / о Давидовы мúдрии вну́цы!

В мѣртвость Даниил живонóсную одѣявсь дрѣвле, / ꙗко бóга халдеем злочестíвно мнíмаго убивáет снѣдию змíя злѣйшаго, / священники же злочестíвыя мúдре убил есть.

Богорóдичен: Мíлостива ми Судию́ и Сýна Твоего́, Богорóдице Дѣво, / Твоими́ молíтвами

бѣти в день Судá, Избáвителя же лóтых, Мáти, умоли́,/ на Тя бо ед́ину надéжду мою́ возлагаю́.

Конда́к, глас 6:

Рукопи́саннаго о́браза не почéтше,/ но нео́пи-
саннóм существóм защит́ившеся, треблажéн-
нии,/ в пóдвизе огня́ прослáвистеся;/ средé же
плáмене нестерп́имаго стоя́ще, Бóга призва́сте:/
ускори́, о Щéдрый!/ и потщ́ися, я́ко м́лостив, в
пóмоць нáшу,/ я́ко мóжеша хотя́й.

Ўкос:

Простри́ Твою́ ру́ку,/ ёю́же дрéвле прия́ша
искушéние еѓиптяне борю́щими и евре́и борíмии,/
не оста́ви нас, да не пожрёт нас смерть, жáждущая
нас,/ и сатанá, ненав́идяй нас,/ но прибли́жися
нам и пощади́ дýши нáша,/ я́коже пощади́л еси́
иногда́ о́троки Твоя́, сýщия в Вавилóне,/ непре-
ста́нно слáвлящия Тя, и ввёрженныя Тебé рáди в
пещь,/ и от сея́ вопию́щия Ти:/ ускори́, Щéдрый, и
потщ́ися, я́ко м́лостив, на пóмоць нáшу,/ я́ко
мóжеша хотя́й.

Песнь 7

Ирмос: *О́троцы евре́йстии в пещи́/ попра́ша
плáмень дерзновéнно/ и на рóсу огонь преложи́ша,
вопию́ще:/ благословéн еси́, Гóсподи Бóже, во
вéки.*

Зако́ном, прорóче, ограждён,/ не прия́л еси́
оскверн́итися пребеззакóнно,/ но, Божéственне
умóм просвещáемь, вопия́л еси́:/ благословéн еси́,
Гóсподи Бóже, во вéки.

Вся ужаса́ет твоё чýдо,/ я́коже прорóку бо
прорóк тебé предста́, восхищён, пи́щу нося́ тебé и
поя́:/ благословéн еси́, Гóсподи Бóже, во вéки.

Внутрь рóва затворён и львом на снeдь предло-
жён,/ спáслся еси́, Бóгу, покрыв́шу тя, блажéнне,/
благословéн еси́, зову́ща, Бóже отéц нáших.

Богорóдичен: Струю́ незав́стно источáеши
врачевáний, о Дéво Богомáти!/ Дани́ил бо я́сно
узрёт Тя гóру,/ из нея́же Спас возсия́, Бог отéц
нáших.

Ин

Ирмос: *Отроцы Богочестивии в Вавилоне / образу златому не поклоняшася, / но посреде печи огненной, орошаеми, / песнь воспеваху, глаголюще: / превозносимый отец и нас Бже, благословен еси.*

Глас Боголюбезен песнопояшеся из среды огня Вседержителю: / *Азария бо, Божественный лик составив, песнь воспевая, глаголаше: / благословен Бог отец наших.*

Цвница юношей Богословяше всех Бога и Вседержителя, / *тем в печи ясно являшагося, и песнь воспеваху, глаголюще: / благословен Бог отец наших.*

Три, в печь вверженные, видев царь, / *яко узре четвертаго вид, Сына проречия Божия и всем возопи: / благословен Бог отец наших.*

Богородичен: *Имя просвещен Божественною зарею ум, Данииле Богоблаженне, / Девы Рождество яве предвидел еси таинственными образы образуемо, / благословен, вопия, Бог отец наших.*

Песнь 8

Ирмос: *Богоглаголивии отроцы, в печи / со огнем пламень попирающе, пояху: / благословите, дела Господня, Господа.*

Священноявлен показался еси, о пророче! / *и деятельным видением со Бестелесными пел еси: / благословите, вся дела Господня, Господа.*

Тя, всеблаженне, благохвалим вси / и, в честное торжество твое радуящеся, зываем: / благословите, вся дела Господня, Господа.

Богородичен: *Пречудную Отроковицу Богоглаголивый / образовательными образы усмотрив, зывал еси: / благословите, вся дела Господня, Господа.*

Ин

Ирмос: *Седмерицею печь / халдейский мучитель / Богочестивым неистовно разжже, / си-*

лою же лучшею спасены, сия видев,/ Творцу и
Избавителю вопияше:/ отроцы, благословите,/
священницы, воспойте,/ людие, превозносите во
вся веки.

Авраамово благородие сохранити тщася,/
свойственное к нему стяжасте основание веры и
надежды, преподобнии,/ терпение и напастем
пождание, вопиюще:/ благословите, священницы,
Владыку,/ людие, превозносите Его во веки.

Яко светила просиявше, и землю небесивше,/ и
благочестия просвещением осиявшеся,/ всемир-
ное составльше ликостояние, поют иже от напастей
спасшему Владыце:/ отроцы, благословите,
священницы, воспойте,/ людие, превозносите во
вся веки.

Юношески погасивше распалимую пещь/ и
львов челюсти связавше, Давидовы внуцы,/ ныне
радуящися, поют Тя, Благодетеля, Царя всех:/
отроцы, благословите, священницы, воспойте,/
людие, превозносите во вся веки.

Богородичен: Тайнонаучает, Пречистая, Дани-
ил мудрейший,/ и предживописуют отроцы трие
Рождество Твое Богомудреннии,/ чрез образы
зряще из утробы Твоея прошедшаго несказанно,/
Егоже отроцы благословят, священницы воспева-
ют,/ людие превозносят во вся веки.

Песнь 9

Ирмос: Воистинну Богородицу,/ Тя исповеду-
ем,/ спасеннии Тобою, Дево Чистая,/ с Безплотны-
ми лики Тя величающе.

Пожал еси твоих болезней приплодия,/ на
Небесех со пророки ликуя присно,/ окрест высо-
чайшаго престола Вседержителява.

Светом трисолнечным ныне венценосец желан-
ный крайнейшему предстоиши,/ с Безтелесными
лики веселяся.

Богородичен: Красна слава твоя, еяже ныне
наслаждаешься:/ Всепетую бо Отроковицу, про-
роче честный,/ образы возвещати всем сподобил-
ся еси.

Ин. Ирмос тойже

Достигóсте кончину желáнную / и желáний
крайнейшему предстоитé в Небéсных чертóзах,
óтроцы всебогáтии.

Рáдующесея, рукояitie, ёже от слез, дóбраго
вáшего дéлания приясте, / нетлéния клас плодоно-
сívше.

Возсия свётлость ныне вам достóйно, и весéлие
сёрдца процветé: / отонúдуже бо отбежé печáль,
вселíстесея.

Богорóдичен: Пáжить смёрти устáвила еси,
Дéво, / Жизнодáвца рóждши и Гóспода, / животво-
рящаго véрою величáющая Тя.

Светíлен Окто́иха.

Слáва, прорóка:

Иже во прорóцах величáйший Даниíл ныне да
почтíтся, / Христа́ бо Бóга нáшего вíде, / кáмень
отсéчен кроме рук от горы — / Чíстыя Богорóди-
цы. / С ним да восхвáляются и триé óтроцы, / яже
спасé от пéщнаго огня невреждéны / óбраз Дéвы
Божéственный и неизречéнный, / íмже мир
спасéся.

И ныне:

Тайнонаучáет, Всечíстая, Дúхом Божéственным
Даниíл премúдрейший, / и прописúют véрою Авра-
ámстии триé óтроцы Твое́ безсéменное Рождество́: /
Сый бо Божество́м неопíсанное Сло́во / из Тебе́
плóтию хотя́ описúется, Богорóдице, / в Вифлеéме
раждáемь на спасéние челове́ков.

На стихóвне Окто́иха.

Слáва, и ныне, глас 6. Малáксово:

Мы́сленному Сóлнцу Пράвды / из Девíческа
утрóбы возсияти хотя́щу, / якоже свётлыя звéзды, /
предосия́ют нам от пéщи óгненныея равночíслен-
нии Трóицы óтроцы, / стрáнное та́инства собо́ю
предзна́менающе. / С нíми úбо и Даниíл, светлéй-
ший прорóк, / предозаря́ет концём свéтом прорече́-
ния, / Христа́ проповéдуя неруко́сéчный кáмень, /
от горы́ присéнный, Дéвы, происхо́дящаго, / во
спасéние душ нáших.

НА ЛИТУРГИИ

Блаженны, от канона пророка песнь 3-я и отроков песнь 6-я. Прокимен, глас 4: Дивен Бог во святых Своих, / Бог Израилев. Стих: В церквах благословите Бога, / Господа от источник Израилевых. Апостол к Евреям, зачало 330. Аллилуия, глас 4: Возваша праведнии, и Господь услыша их. Евангелие от Луки, зачало 62. Причастен: Радуйтесь:

Подобает ведати: аще случится святого пророка Даниила и святых трех отроков в Неделю святых праотец.

Поется возследование их вкупе с воскресною службою сиче: **М**

На малой вечерни на Господи, возвах: стихиры воскресны и Богородицы, по обычаю.

На велицей вечерни на Господи, возвах: стихиры воскресны 3, и праотцев 3, и пророка Даниила 2, глас 4. Подобен: Яко добля: И отроков 2, глас тойже. Подобен: Дал еси знамение: Слава, праотцев, глас 6: Иже прежде закона: И ныне, Богородичен первый гласа. Вход. Прокимен дне. На литий стихира храма и пророка Даниила, глас 4: На престоле седящаго: писан на Господи, возвах: в ряду последний. И отроков, глас тойже: Словеси премудрости Твоея: писан на Господи же, возвах: последний, и глас 2: Духовно нас вернии: Слава, праотцев, глас 1: Лучами облиставшеся: И ныне, Богородичен: Се исполнися: На стиховне стихиры воскресны. Слава, праотцев, глас 3: Праотцев собор: И ныне, пророка, глас 6: Даниил, муж желаний: На благословении хлебов тропарь: Богородице Дево: дважды, и праотцев единойжды. И Буди Имя Господне: трижды. Псалом 33: Благословлю Господа: и чтение в Посланиих апостольских.

А идеже бдения не бываает, на повечерии глаголем по зри Достойне и по Трисвятом кондак святых праотцев.

На утрени, на Бог Господь: тропарь воскресен дважды. Слава, отроков. И ныне, праотцев. По кафизмах седальны воскресны с Богородичны их, и чтение во Евангелии толковом, неделя ряд. По полиелеи тропари: Ангельский собор: ипакоей гласа и седален праотцев. И чтение во Евангелии, Неделя святых праотцев. Степенна и прокимен гласа. Евангелие воскресно, псалом 50. Стихира воскресна и прочее. Канон воскресен со ирмосом на 4, пророка и отроков, оба канона на 6. И поем в коейжедо песни пророка три тропаря, Богородичен оставляется: и отроков первыя стихи два за един. Таже тропарь един, и Богородичен, и праотцев на 4, и держим стихов 12, кроме Слава, и ныне: всех же на 14. Катавасия: Христос раждается: По 3-й песни кондак, и икос пророка, и седален его. Слава, отроков. И ныне, ипакоей праотцев и чтение. По 6-й песни кондак праотцев, и икос, и чем пролог. По 9-й песни светилен

воскрёсен и праотцев. Слава, пророка. И ныне: Сблнце великое: На хвалитех стихиры воскресны 4, и святых праотцев на 4, с припевы: Благословен еси, Господи: 2-й: Яко праведен еси: Слава, праотцев, глас 7: Приидите вси, верно торжествуем: И ныне: Преблагословенна еси: Славословие великое. По Трисвятом тропарь воскресен, ектении, и отпуст, и обычное исхождение. Слава, и ныне, стихира евангельская, и час 1-й. На 1-м часе тропарь воскресен. Слава, праотцев. И ныне, Богородичен часов. По Трисвятом кондак праотцев, и прочее, и совершенный отпуст. На 3-м часе тропарь воскресен. Слава, пророка. И ныне, Богородичен часов. По Трисвятом кондак праотцев.

На Литургии Блаженны гласа на 4, и праотцев песнь 3-я на 4, и пророка песнь 6-я на 4. По входе тропарь воскресен, таже святых. Слава, кондак пророка. И ныне, праотцев. Прокимен, песнь отцев и святых. Апостол и Евангелие Недели праотцев и святых. Ряд же недели оставляется. Причастен: Хвалите Господа: Другий: Радуйтесь:

зри Сие поем службу и великаго святаго празднуемаго, аще случится в сию неделю, токмо по полиелеи. И ныне, седален праотцев. На Литургии прокимен праотцев и святаго. И вся служба, якоже прежде явлено есть.



Святой пророк Даниил и три святых отрока Анания, Азария и Мисаил. За 600 лет до Рождества Христова Иерусалим был завоеван

царем вавилонским; храм, воздвигнутый Соломоном, был разрушен, а множество народа израильского отведено в плен. Среди пленников находились знатные юноши Даниил, Анания, Азария и Мисаил. Царь Вавилона Навуходоносор распорядился обучить их халдейской премудрости и воспитать в роскоши при своем дворе. Но они, храня заповеди своей веры, отказывались от излишеств и вели строгий образ жизни; питались они только овощами и водой. Господь даровал им мудрость, а святому Даниилу — дар прозорливости и истолкования снов. Святой пророк Даниил, свято храня веру в Единого Бога и упоая на Его всеильную помощь, мудростью своей превзошел всех халдейских звездочетов и волхвов и был приближен к царю Навуходоносору. Однажды Навуходоносор увидел странный сон, поразивший его, но, проснувшись, он забыл виденное. Вавилонские мудрецы оказались бессильны узнать, что приснилось царю. Тогда святой пророк Даниил прославил перед всеми силу истинного Бога, открывшего ему не только содержание сна, но и его пророческое значение. После этого Даниил был возведен царем в сан начальника Вавило-

на. Вскоре царь Навуходоносор повелел воздвигнуть свое изображение — огромную статую, которой надлежало воздавать божеские почести. За отказ сделать это три отрока — Анания, Азария и Мисаил — были ввергнуты в пылающую печь. Пламя поднималось над печью на 49 локтей, опалая стоявших рядом халдеев, а святые отроки ходили посреди пламени, вознося молитву Господу и воспевая Его (Дан. 3, 26—90). Ангел Господень, явившись, охладил пламя, и отроки остались невредимы. Царь, увидев это, повелел им выйти и обратился к Богу истинному. При царе Валтасаре святой Даниил истолковал таинственную надпись («мене, текел, упарсин»), появившуюся на стене дворца во время пира, предвещавшую падение Вавилонского царства. При персидском царе Дарии святой Даниил по наветам своих врагов был брошен в ров с голодными львами, но они не тронули его, и он остался невредим. Царь Дарий возрадовался о Данииле и повелел во всем своем царстве поклоняться Богу Даниилову, «потому что Он есть Бог Живый и Присносущный, и царство Его несокруσιμο, и владычество Его бесконечно». Святой пророк Даниил глубоко скорбел о своем народе, претерпевавшем справедливую кару за множество грехов и беззаконий, за преступление заповедей Божиих — тяжкий плен вавилон-

ский и разорение Иерусалима: «Приклони, Боже мой, ухо Твое и услыши, открой очи Твои и воззри на опустошения наши и на город, на котором наречено Имя Твое; ибо мы повергаем моления наши пред Тобю, уповая не на праведность нашу, но на Твое великое милосердие» (Дан. 9, 18). Святому пророку, праведной жизнью и молитвой искупавшему беззакония своего народа, была открыта судьба народа Израиля и судьбы всего мира.

При истолковании сна царя Навуходоносора пророк Даниил возвестил о сменяющих друг друга царствах и величии последнего царства — Царства Господа нашего Иисуса Христа (Дан. 2, 44). Пророческое видение о семидесяти седминах (Дан. 9, 24—27) поведало миру знамения Первого и Второго пришествий Господа Иисуса Христа и связанных с ними событий (Дан. 12, 1—12). Святой Даниил ходатайствовал за свой народ перед преемником Дария — царем Киром, который весьма его ценил, и даровал пленникам свободу. Сам же Даниил и друзья его Анания, Азария и Мисаил дожили до глубокой старости и скончались в плену. Согласно же свидетельству святителя Кирилла Александрийского (память 9 июня), святые Анания, Азария и Мисаил были обезглавлены по повелению персидского царя Камбиза.

